

中國歷史地理文獻輯刊

類書類地理文獻集成

第八編

八

上海交通大學出版社

中國歷史地理文獻輯刊

類書類地理文獻集成

第八編

八

上海交通大學出版社

類書類地理文獻集成

本冊目錄

類書類地理文獻集成·明代(三)

詩雋類函

圖書編

二〇五

一

(明) 俞安期 彙纂 梅鼎祚 增定

詩雋類函

明萬曆三十七年刻本

詩雋類函卷十六

東吳俞安期彙纂 宣城梅鼎祚增定

構李項德明訂校

地部一

野 郊 原 山 溪 田 附

○野

詠野

唐李嶠 初

鳳出秦郊迴鵲飛楚塞空蒼梧雲影去涿鹿霧光通
艸暗少原綠花明入蜀紅誰言板築士猶處傳巖中

南野

唐戴叔倫 中

治田長山下引流坦溪曲東山有遺塋南野起新築

詩雋類函

卷十六

一 類書類地理
文獻集成

家世素業儒子孫鄙食祿披雲朝出耕帶月夜歸讀
身勩竟忘疲團團欣在目野芳綠可采泉美清可掬
茂樹延晚涼早田候秋熟茶烹松火紅酒吸荷杯綠
解佩臨清池撫策看脩竹此懷誰與同此樂君所獨

野田

唐張籍 中

漠漠野田艸中牛羊道古墓無子孫白楊不得老

野田行

唐李益 中

日沒出古城野田何茫茫寒狐嘯青塚鬼火燒白楊
昔人未爲泉下客行到此中曾斷腸

春野作

唐僧貫休 中

閒步淺青平綠流水征車自遠誰家挾帶少年擬打
紅衣啄木

野居

唐張籍 中

貧賤易爲適荒郊亦安居端坐無餘思彌樂古人書
秋田多良苗野水多游魚我無未與網安得克壓厨

野步

北周庾信

值泉仍飲馬逢花即舉杯稍看城闕遠轉見風雲來

望野

北周庾信

試策千金馬來登五丈原有城仍舊縣無樹即新村
水向蘭池泊日斜細柳園澗渚通沙路寒渠塞水門

詩雋類函

卷十六

二 中國歷史地理
文獻輯刊

但得風雲賞何須人事論

野望

唐王績 初

東臯薄暮望徙倚欲何依樹樹皆秋色山山唯落暉
牧人驅犢返獵馬帶禽歸相顧無相識長歌懷采薇

冬日野望

唐駱賓王 初

故人無與晤安步陟山椒野靜連雲卷川明斷霧銷
靈巖間曉籟洞浦漲秋潮三江歸望斷千里故鄉遙
勞歌徒自奏客魂誰爲招

野望

唐杜甫 盛

納納乾坤大行行郡國遙雲山兼五嶺風壤帶三苗

野樹侵江濶春蒲長雪消扁舟空老去無補聖明朝

野望

唐杜甫

清秋望不極迢遞起層陰遠水兼天淨孤城隱霧深
葉稀風更落山迴日初沈獨鶴歸何晚昏鴉已滿林

望野二首

唐杜甫

金華山北涪水西仲冬風日始淒淒山連越嶺蟠三

蜀水散巴渝下五溪獨鶴不知何事舞飢鳥似欲向

人啼射洪春酒寒仍綠目極傷神誰爲攜

西山白雪三城戍南浦清江萬里橋海內風塵諸第

隔天涯涕淚一身遙唯將遲暮供多病未有涓埃答

詩雋類函

卷十六

三

類書類地理
文獻集成

聖朝跨馬出郊時極目不堪人事日蕭條

野望

唐辛士

忘懷不使海鷗疑水映桃花酒滿卮亭上一聲歌白

苧野人歸棹亦行遲

秋中野望寄舍弟綬

唐盧綸

憂來思遠望高處殊非愜夜露濕蒼山秋波滿黃葉

人隨鴈迢遞棧與雲重疊骨肉暫分離形神遂疲薾

早春遊樊川野居卻寄李端校書夜呈崔峒補

闕司空曙主簿耿緯拾遺

唐盧綸

白水遍溝塍青山對杜陵晴旻人望鶴曠野鹿隨僧

古柳連巢折荒堤帶艸崩陰橋全覆雪瀑溜半垂冰

桂樹曾爭折龍門幾共登琴師阮校尉詩和柳吳興

舐筆求書扇張屏看畫蠅卜隣空遂約問卦獨無徵

都廣野贊

附

晉郭璞

都廣之野珍怪所聚爰有焦穀鸞歌鳳舞后稷託終

樂哉斯土

○郊

西郊

唐杜甫

時出碧鷄坊西郊向艸堂市橋官柳細江路野梅香

傍架齊書帙看題滅藥囊無人競

一作

來往疎嬾意

詩雋類函

卷十六

四

中國歷史地理
文獻輯刊

何長

東郊

唐元稹

吏舍跼終年出郊曠清曙楊柳散和風青山澹吾慮

依叢適自憩綠澗還復去微雨靄芳原春鳩鳴何處

樂幽心屢止遵事跡猶遽終罷斯結廬慕陶真可庶

東郊行

唐溫庭筠

晚

關鷄臺下東西道柳覆斑駁蝶縈艸塊靄韶容鑠澹

愁青筐葉盡蠶應老綠渚幽香生白蘋差差小浪吹

魚鱗王孫騎馬有歸意林彩著空如細塵安得人生

各相守燒船破棧休馳走世上方應無別離路傍更

長干枝柳

郊野

唐鄭谷

蓼水荊籬邊新晴有亂蟬秋光終寂寞晚醉自留連
野濕禾中露村開社後天題詩滿紅葉何必浣花牋

春郊

梁虞羲

光風轉蕙暎香霧鬱蘭津暄遲蝶弄蘼景麗鳥和春
樵歌喧龍暮漁樵亂江晨山中芳杜若依依獨思人

春郊

唐錢起

水遶冰渠漸有聲氣融煙塢晚來明東風好作陽和
使逢艸逢花報發生

詩雋類函

卷十六

五

類書類地理
文獻集成

春日還郊

唐王勃

閒情兼嘿嘿攜杖赴巖泉艸綠繁新帶榆青綴古錢
魚牀侵岸水鳥路入山煙還題平子賦花樹滿春田

秋郊作

唐元稹

清露澄境途旭日照林初一望秋山淨蕭條形迹疎
登原欣時稼采菊行故墟方願沮洳耦澹薄守田廬

秋日東郊作

唐皇甫冉

閒看秋水心無事臥對寒松手自栽廬嶽高僧留偈
別茅山道士寄書來燕知社日辭巢去菊爲重陽冒
雨開淺薄將何稱獻納臨岐終日自遲廻

涼州郊外遊望

唐王維

野老才三戶邊村少四鄰婆娑依里社蕭散賽田神
灑酒澆犂狗焚香拜木人女坐分屨舞羅襪步生塵

郊興

唐王勃

空園歌獨酌春日賦閒居澤蘭侵小徑河柳覆長渠
雨去花光濕風歸葉影疎山人不惜醉唯畏綠樽虛

○原

詠原

唐李嶠

王粲銷憂日江淹起恨年帶川遙綺錯分隰迴阡眠
□□橫周甸薜苔闕晉田方知急難響長在鵲鴿篇

詩雋類函

卷十六

六

中國歷史地理
文獻輯刊

白草原

唐李頎

白草原頭望京師黃河流無已時秋天曠野人行
絕馬首西來知是誰

京北原作

唐賈島

登原見城闕策蹇思炎天日午路中客槐花風處蟬
遠山秦木上清渭漢陵前何事居人世皆從名利牽

白鹿原

唐馬戴

澹田鴈飛下秦原人葬回丘墳與城闕艸樹具塵埃

登廣武原

唐張祐

廣武原西北華夷此浩然地盤山入海河遶國連天

遠樹千門邑高橋萬里船鄉心日暮猶在城原

登樂遊原

唐耿漳

閑廟何年廢登臨有故丘孤村連日靜多雨及霖休
嘗與秦山對曾經漢王遊豈知千載後萬事水東流

過鑄鼎原

唐劉滄

黃帝修真萬國朝鼎成龍駕上丹霄天風乍起鶴聲
遶海霧漸深龍節遙仙界日長青鳥度御衣香散紫
霞飄唯留古跡寒原在碧水蒼蒼空寂寥

過五丈原

唐溫庭筠

鐵馬雲騅久絕塵柳陰高壓漢營春天晴殺氣屯關

詩雋類函

卷十六

七

類書類地理
文獻集成

石夜半妖星照渭濱下國臥龍空讓主中原逐鹿不

因人象牀錦帳無言語從此姬周是老臣

秋遊原上

唐白居易

露杖筇竹冷風襟越蕉輕新棗未全熟晚瓜有餘蔭
依依田家叟設此相逢迎

樂遊原晴望上李侍郎

唐錢起

爽氣朝來萬里清憑高一望九愁輕不知鳳沼霖初
霖但覺堯天日轉明四野山河通達色千家沾沐共
秋聲遙想青雲丞相府何時開閣引書生

原居即事言懷贈孫員外

唐賈島

出入土門偏秋深石色泉徑通原上草池接水中蓮

採菌依餘枿拾薪逢刈田高齋久不到猶喜未經年

○田

溉田附

賦貧民田

齊謝朓

假遇一作佳非將迎靖共一作靜拱延殊慶中歲歷三臺旬

月典邦政曾是共治情敢忘卹貧病將無富教禮孰
有知方性敦本抑工商均業省兼并察壤見泉脉規
星視農正黍稷綠高殖一作稯稂即卑盛舊埒新塍

分青苗白水映遙樹匝清陰連山周遠淨即此風雲
佳孤觴聊可命既微三載道庶藉兩岐詠俾爾倉廩

詩雋類函

卷十六

八

中國歷史地理
文獻輯刊

實余從谷口鄭

白石巖下徑行田

宋謝靈運

小邑居易貧災年民無生知淺懼不周愛深憂在情
舊業橫海外蕪穢積頽齡飢饉不可久甘心務經營
千頃帶遠堤萬里瀉長汀洲流涓澮合連統塍埒并

雖非楚宮化荒闕亦黎萌雖非鄭白渠每歲望東京
天鑒儻不孤來茲驗微誠

歸田

北周庾信

務農勤九穀歸來嘉一廛穿渠移水碓燒棘起山田
樹陰逢歇馬魚潭見灑船苦李無人摘秋瓜不直錢

新鷄欲伏原蠶始更眠今日張平子翻爲人所憐

歸田

唐白居易

種田計已決決意復何如賣馬買犢使徒步歸田廬
迎春治耒耜候雨闢苗畝吾聞老農言爲稼慎在初
所施不鹵莽其報必有餘上求奉王稅下望備家儲

晚遊東田寄司空文明

唐李端

暮來思遠客獨立在東田片影無妨雨殘虹不映天
別愁逢夏果歸興入秋蟬莫作懸官意幽潛未必賢
鄴民歌史記曰魏襄王以史起爲鄴令引漳水
以灌鄴以富魏之河內而民作歌曰
鄴有賢令今爲史公黃反決漳水今灌鄴功終古焉

詩雋類函

卷十六

九類書類地理
文獻集成

鹵兮生稻梁

鄭白渠歌

史記曰韓聞秦好農事欲罷之毋令
東伐迺使水工鄭國問秦計鑿渠

水自中山西邸瓠口爲渠並北山東注洛漑
陂鹵之地四萬餘頃因名曰鄭國渠漢書曰
大始二年趙中大夫公復奏穿渠引涇水
首起谷口尾入櫟陽注渭中袤二百里漑田
四千五百餘頃名曰白渠民得其說歌之曰
田於何所池陽谷口孔五切鄭國在前白渠起後舉
鍾如雲決渠爲雨涇水一石其泥數斗古音且溉且
糞長我禾黍衣食京師億萬之口

○村

唐白居易

春村

唐白居易

二月村園煖桑間戴勝飛農夫春舊穀
牛馬因風遠鷄豚過社稀黃昏林下路鼓笛齊神歸

春日江村二首

唐杜甫

農務村村急春流岸岸深乾坤萬里眼時序百年心
茅屋還堪賦桃源自可尋艱難昧生理飄泊到如今

二

扶病垂朱紱歸休步紫苔郊扉存晚計幕府媿羣材
燕外晴絲捲鷗邊水葉開鄰家送飯幣問我數能來

江村

唐劉駕

江水灌稻田飢年田亦熟舟中愛桑麻日午因成宿

詩雋類函

卷十六

十中國歷史地理
文獻輯刊

相承幾十代居止連茅屋四鄰不相離安肯去骨肉

朱陳村

唐白居易

徐州古豐縣有村曰朱陳去縣百餘里桑麻青氛氲
機梭聲札札牛驢走紆紆女汲澗中水男采山上薪
縣遠官事少山深人俗淳有財不行商有丁不入軍
家家守村業頭白不出門生爲陳村民死爲陳村塵
田中老與幼相見何欣欣一村唯兩姓世世爲婚姻
親疎居有族少長遊有群黃鸝與白酒歡會不隔旬
生者不遠別嫁娶先近鄰死者不遠葬墳墓多連村
旣安生與死不苦形與神所以多壽考往往見玄孫

題靈壽縣東山村主人

唐李商隱

處處征胡人漸稀山村寥落暮煙微門臨蒼莽終年
閉身逐嫖姚幾日歸貧妻白髮輸殘稅餘寇黃河未
解圍天子如今能用武祇應晚歲息兵機

題玉山村叟壁

唐錢起

谷口好泉石居人能陸沈牛羊下山小煙火隔雲深
一徑入溪色數家連竹陰藏虹辭晚雨驚隼落殘禽
涉趣皆流目將歸羨在林却思黃綬事辜負紫芝心

書村叟壁

唐鄭谷

艸肥朝牧牛桑綠晚鳴鳩列岫簷前見清泉碓下流

詩雋類函

卷十六

十一 類書類地理
文獻集成

春蔬和雨割社酒向花筍引我南陂去籬邊一小舟

紀村事

唐韋莊

綠蔓映雙扉循牆一徑微雨多庭果爛稻熟渚禽肥
釀酒迎新社遙砧送暮暉數聲牛上笛何處餉田歸

內鄉村路作

唐白居易

口下風高野路涼緩驅疲馬闔思鄉渭村秋物應如
此棗赤梨紅稻穗黃

到村

唐杜甫

碧澗雖多雨秋沙先少泥蛟龍引子過荷芰逐花低
老去參戎幕歸來散馬蹄稻粱須就列榛艸即相迷

蓄積思江漢頑疎惑町畦慙酬知已分還入故林棲

暮過山村

唐賈島

數里聞寒水山家少四鄰恠禽啼曠野落日恐行人
初月末終夕邊烽不過秦蕭條桑柘外煙火漸相親

村行

唐杜牧

春半南陽西柔桑過村塢娉娉垂柳風點點迴塘雨
簾唱牧牛兒籬窺茜裙女半濕解征衫主人饋鷄黍

夜宿荒村

隋孔德紹

綿綿夕漏深客恨轉傷心撫絃無人聽對酒時獨斟
故鄉萬里絕窮愁百慮侵秋艸思邊馬遶枝驚夜禽

詩雋類函

卷十六

十二 中國歷史地理
文獻輯刊

風度谷餘響月斜山半陰勞歌欲敘意終是白頭吟

村夜

唐杜甫

蕭蕭風色暮江頭人不行村春雨外急鄰火夜深明
胡羯何多難漁樵寄此生中原有兄弟萬里正含情

宿深村

唐僧貫休

行行一宿深村裏鷄犬豐年闌如市黃昏見客合家
喜月下取魚戽塘水

經河源軍漢村作

唐呂溫

行行忽到舊河源城外千家作漢村樵采未侵征虜
墓耕耘猶就僝羗屯金湯天險長全設伏臘華風亦

暗存雙駐單車空下淚有心無力復何言

江村亂後

唐顧況中

江村日暮尋遺老江水東流橫浩浩竹裏開窓不見人門前舊路生青艸

山村曉思

唐于漬晚

開門省禾黍隣翁水頭住今朝南澗波昨夜西川雨牧童披短襖腰笛期煙渚不問水邊人騎牛傍山去

茂陵村行贈何兆

唐李端中

春天黃鳥嘯野徑白雲閒解帶依芳艸支頤想故山人行九州路樹老五陵間誰道臨邛遠和如自憶還

詩雋類函

卷十六

十三

類書類地理
文獻集成

垂花塢醉後戲題

賦得俱字
韻有序

唐獨孤及盛

莊周臺南十許步有丘一成上有稷藤垂花而蔓艸荒之且隔大溝路不可涉道士張大和伐薪爲堰封土以壅滄尋亦命羅氏治蕪穢而刻宿莽遂闢爲登賦之位位廣二席席間足以函罇酒二簋三月戊子及羣英由堰而升焉諸花倒垂下拂杯案紫葩綉綻如釵如旒衆君子瞻弄之不足故秉燭進酒以繼落日欲稱醉而不能也因命其地曰垂花塢堰曰緣花堰亦飾之以詩云

紫蔓青條覆酒壺落花時與竹風俱歸時自負花前

醉笑向儵魚間樂無

經西塢偶題

唐溫庭筠

搖搖弱柳黃鸝啼芳艸無情人自迷日影明滅金色鯉杏花啜喋青頭鷄微紅襟帶惹蜂粉潔白片芽穿燕泥借問含顰向何事昔年曾到武陵溪

園林

華林園詩

晉王濟

思樂華林薄采其蘭皇居偉則芳園巨觀仁以山悅水爲智歡清池流爵秘樂通玄脩晉灑鱗大庖妙饌物以時序情以化宣終溫且克有肅初筵嘉賓在茲

詩雋類函

卷十六

十四

中國歷史地理
文獻輯刊

千祿永年

北宅秘園

宋謝朓

夕天霽晚氣輕霞澄暮陰微風清幽幌餘日照青林收光漸隱耿窮園自荒深綠池翻素景秋槐響寒音伊人儻同愛絃酒共棲尋

紀功曹中園聯句

齊謝朓

蘭亭仰遠風芳林接雲嶠傾葉順清飈脩莖佇高鶴何從連綿夕雲歸掩曖日將落寸陰不可留蘭墀豈停酌吳丹櫻猶照樹綠筠方解籜永志能兩忘即賞

謝丘壑

謝朓

芳林篇

梁簡文帝

芳林嗟兮發朱榮時已晚今隨風零隨風零今返無期安得陽華遺所思

後園作迴文詩

梁元帝

斜峰繞徑曲聳石帶山連花餘拂戲鳥樹密隱鳴蟬

和湘東王後園迴文詩

梁簡文帝

枝雲間石峰脉水侵山岍池清戲鵲聚樹秋飛葉散

和湘東王後園迴文詩

梁邵陵王

燭華臨靜夜香氣入重幃曲度聞歌遠絃繁覺舞遲

和湘東王後園迴文詩

梁定襄侯

詩雋類函

卷十六

十五

類書類地理
文獻集成

危臺出岫迴曲澗上橋斜池蓮隱弱艾徑篠落藤花

和湘東王後園迴文詩

北周庾信

旱蓮生竭鏤嫩菊養秋鄰滿地留浴鳥分橋上戲人

園庭

北周庾信

杖鄉從物外養學事閒郊窮愁方汗簡無遇始觀文

谷寒已吹律簷空更翦茅樵隱恒同路人禽或對巢

水蒲開晚結風竹解寒苞古槐時變火枯楓乍落膠

倒屣迎懸榻停琴聽解嘲香螺酌美酒枯蚌藉蘭殺

飛魚時觸釣翳雉屢懸庖但使相知厚當能來結交

園

唐杜甫
盛

仲夏多流水清晨向小園碧溪搖艇澗朱果爛枝繁

始為江山靜終防市井喧畦蔬繞茅屋自足媚盤餐

小園

唐杜甫
盛

由來巫峽水本是楚人家客病留因藥春深買為花

秋庭風落果澗岍雨頽沙閑俗營寒事將詩待物華

樂遊園歌

晦日賀蘭楊長史筵席中作

唐杜甫
盛

樂遊古園萃森爽煙絲碧艸淒淒長公子華筵勢最

高秦川對酒平如掌長生木瓢示真率更調鞍馬狂

歡賞青春波浪芙蓉園白日雷霆夾城仗闔闔晴開

映蕩蕩曲江翠幕排銀榜拂水低回舞袖翻綠雲清

詩雋類函

卷十六

十六

中國歷史地理
文獻輯刊

切歌聲上卻憶年年人醉時只今未醉已先悲數莖

白髮那拋得百罰深杯亦不辭聖朝已知賤士醜一

物自荷皇天慈此身飲罷無歸處獨立蒼茫自詠詩

李氏園林

唐孟浩然
盛

我愛陶潛趣林園無俗情春雷百卉坼寒食四鄰清

伏枕嗟公幹歸田羨子平年年白社客空滯洛陽城

瓜園

并序

唐王維
盛

維瓜園高齋俯視南山形勝二三時輩同賦是詩

兼命詞英數公同用園字為韻韻任多少時太子

司議郎薛璩發此題遂同諸公云

予適欲鋤瓜倚鋤聽叩門鳴騶導驄馬常從夾朱軒
窮巷正傳呼故人儻相存攜手追涼風放心望乾坤
藹藹帝王州宮觀一何繁林端出綺道殿頂播華幡
素懷在青山若值白雲屯迴風城西雨返景原上村
前酌盈罇酒往往聞清言黃鸝轉深木朱槿照中園
猶羨松下客石上聞清猿

春中田園

唐王維盛

屋上春鳩鳴村邊杏花白持斧伐遠楊荷鋤覘泉脉
歸燕識故巢舊人看新曆臨觴忽不御惆悵遠行客
同張侍御鼎和京兆蕭兵曹華歲晚南園

詩雋類函

卷十六

十七

類書類地理
文獻集成

唐儲光義盛

公府傳休沐私庭效陸沈方知從大隱非復在幽林
闕下忠貞志人間孝友心既將冠蓋雅仍與薜蘿深
寒變中園柳春歸上苑禽池涵青艸色山帶白雲陰
潘岳閒居賦鍾期流水琴一經當自足何用遺黃金

郡中西園

唐白居易中

閒園多芳艸春夏香靡靡院門閉松竹庭徑穿蘭芷
魚依藻長樂鷗見人驚起有時舟隨風盡日蓮照水
誰知郡府內景物閒如此

南園

唐元稹中

南園六首

唐李賀中

清露夏天曉荒園野氣通水禽遙汎雪池蓮迥披紅
幽林詎知暑環舟似不窮頓灑塵喧意長嘯滿襟風
宮北田塍曉氣酣黃桑飲露宰宮簾長腰健婦偷攀
折將餒吳王八蘭蠶
竹裏縹絲挑網車青蟬獨噪日光斜桃膠迎夏香琥
珀自課越傭能種瓜
春水初生乳燕飛黃蜂小尾撲花歸窻含遠色通書
幌魚擁香釣近石磯
泉沙軟臥鴛鴦暖曲岍回篙舫艫遲瀉酒木蘭蕉葉

詩雋類函

卷十六

十八

中國歷史地理
文獻輯刊

盜病容扶起種菱絲

長巒谷口倚嵇家白晝千峰老翠華自履藤鞋收石
蜜手牽苔絮絮長蒔花
松谿黑水新龍卵桂洞生硝舊馬牙誰遣虞卿裁道
帔輕綃一匹染朝霞

南園

唐李賀中

方領蕙帶折角巾杜若已老蘭若春南山削秀藍玉
合小雨歸去飛涼雲熟杏暖香梨葉老艸稍竹色鎖
池痕鄭公鄉老開酒尊坐汎楚奏吟招魂

家園

唐白居易中

滄浪峽水子陵灘路遠江深欲去難何似家池通小院臥房堦下插魚竿

和李僕射西園

唐張籍中

遇午歸閒處西庭敞四簷高眠著瑟枕散帙檢書簽印在休通客山晴好捲簾竹涼蠅到少藤暗蝶爭潛曉鵲頻驚喜疎蟬不許拈石苔生紫點欄藥吐紅尖虛坐詩情遠幽探道侶兼所營尚勝地雖儉復誰嫌

程評事西園

唐釋法震

誰向春鶯道名園已共知簷前迴水影城上出花枝搖拂煙雲動登臨翰墨隨相招能不厭山舍爲君移

詩雋類函

卷十六

十九

類書類地理
文獻集成

陳氏園林

唐鄭巢晚

當門三四峰高興幾人同尋鶴新泉外留僧古木中蟬鳴槐葉雨魚散菱荷風多喜倍幽賞清吟繞石叢

小園

唐李建勳晚

小園我所好栽植忘勞形晚果經秋赤寒疏近社青竹籬荒引蔓土井淺生萍更欲從人勸憑高置艸亭

將赴益州題小園壁

唐蘇頌初

歲窮惟益老春至却辭家可惜東園樹無人也作花

自題小園

唐白居易中

迴看甲乙第列在都城內素垣及朱門藹藹遙相對

主人安在哉富貴去不迴池乃爲魚鰓林乃爲禽栽何如小園主拄杖閒即來親賓有時會琴酒連夜閒

題裴二十一新園

唐皇甫冉中

東郭訪先生西郊尋隱路久爲江南客自有雲陽樹已得閒園心不知公府步開門白日晚倚杖青山暮果熟任霜封籬疎從水度窮年常牽綴往事情淪誤唯見耦耕人朝朝白來去

題李沆林園

唐盧綸中

古巷牛羊出重門接柳陰閒看入竹路自有向山心種藥齊幽石耕田到達林願同詞賦客得與謝家深

詩雋類函

卷十六

二十

中國歷史地理
文獻輯刊

題從叔沆林園

唐李端中

阮宅閒園暮總中見樹陰樵歌依遠艸僧語過長林鳥上花間丹人彈竹裏琴白嫌身未老已有住山心

題崔端公園林

唐李端中

上士愛清輝開門向翠微抱琴看鶴去枕石待雲歸野坐苔生席高眠竹挂衣舊山東望遠惆悵暮花飛

灞東題司馬郊園

唐許渾晚

楚翁秦塞往昔事李輕車白社貧思憶青門老仰爪讀書三徑艸沽酒一籬花更欲尋芝朮商山便寄家

遊園詠

晉湛方生

諒茲境之可懷究川阜之奇勢水窮清以澈露山鄰
天而無際乘初霽之新景登北館以憑欄對荆門之
孤阜俯魚陽之秀岳乘夕陽而含詠杖輦策以行遊
襲秋蘭之流芬幙長椅之森脩任緩步以升降歷丘
墟而四周智無涯而難恬性有方而易適差一毫而
遽乖徒理存而事隔故羈馬思其華林籠雉想其阜
澤矧流客之歸思豈可忘於疇昔

從武帝華林園宴二章

晉荀勗

習習春陽帝出乎震大施地生以應仲春思文聖皇
順時秉仁欽若靈則飲御嘉賓洪恩普暢慶乃衆臣

詩雋類函

卷十六

二十一

類書類地理
文獻集成

其二
其慶維何錫以帝祉肆觀羣后有客戾止紆納要荒
內延卿士簫管詠德八音咸理凱樂飲酒莫不宴喜
栖玄寺聽講畢遊邸園七韻應司徒教

齊王融

道勝業茲遠心閒地能曠桂楸鬱初裁蘭墀坦將闢
虛檐對長嶼高軒臨廣液芳艸列成行嘉樹紛如積
流風轉還還還音旋清煙泛喬石日汨山照紅松映水
華碧暢哉人外賞遲遲眷西夕

遊後園

齊竟陵王

託性本禽魚栖情閒物外蘿逕轉連綿松軒方杳藹
丘壑每淹留風雲多賞會

遊後園

梁元帝

暮春多淑氣斜景落高春日照池光淺雲歸山望濃
入林迷曲逕渡渚隔危峰

晚景遊後園

梁元帝

高軒聊騁望煥景入川梁波橫一作搖山度影雨罷葉
生光日移花色異風散水紋長

遊韋黃門園

梁簡文帝

息車冠蓋里停轡仲長園簷疎遠興積賓至羽觴繁

詩雋類函

卷十六

二十二
中國歷史地理
文獻輯刊

夜遊北園

梁簡文帝

星芒侵嶺樹月暈隱城樓暗花舒不覺明波動見流
賦得西園遊上才沈約詠月詩曰高樓
切思婦西園遊上才

隋王胄

西園遊上才清夜可徘徊月桂臨樽上山雲影蓋來
飛花隨燭度疎葉向帷開當軒顧應阮還覺賤鄒枚
與弟遊家園

唐張九齡

定省榮君賜來歸是晝遊林鳥飛舊里園果釀新秋
枝長南庭樹池靈北澗流星霜屢爾別蘭麝爲誰幽

偶遊主人園

唐賀知章

主人不相識偶坐爲林泉莫謾愁沽酒囊中自有錢

春過賀遂員外藥園

唐王維

前年槿籬故新作藥欄成香艸爲君子名花是長卿
水穿盤石透藤繫古松生講長開厨走來蒙倒屣迎
蔗漿菰米飯蒟醬露葵羹頗識灌園意於陵不自輕

陪鄭廣文遊何將軍山林

十首 唐杜甫

不識南塘路今知第五橋名園依綠水野竹上青霄
谷口舊相得濠梁同見招平生爲幽興未惜馬蹄遙

二

百頃風潭上千章夏木清早枝低結子接葉暗黃

詩雋類函

卷十六

二十三

類書類地理
文獻集成

鮮鯽銀絲鱠香芹碧澗羹翻疑柁樓底晚飯越中行

三

萬里戎王子何年別月支異花開絕域滋蔓匝清池
漢使徒空到神農竟不知露翻兼雨打開圻漸離披

四

菊含遲高竹疎籬帶晚花懷渴深沒馬藤蔓曲藏蛇
詞賦工無益山林跡未除盡拈書籍賣來問爾東家

五

刺水滄江破殘山碣石開綠垂風折笋紅綻雨肥梅
銀甲彈箏用金魚換酒來興移無酒掃隨意坐蓍苔

六

風磴吹陰雪雲門吼瀑泉酒醒思臥簾衣冷欲裝綿
野老來看客河魚不取錢只疑淳朴處自有一山川

七

棘樹寒雲色茵陳春藕香脆添生菜美陰益食簾涼
野鶴清晨出山精白日藏石林蟠水府百里獨蒼蒼

八

憶過楊柳渚走馬定昆池醉把青荷葉狂遺白接離
刺船思郢客解水乞吳兒坐對秦山晚江湖興頗隨

九

詩雋類函

卷十六

二十四

中國歷史地理
文獻輯刊

牀上書連屋堦前樹拂雲將軍不好武穉子總能文
醒酒微風入聽詩靜夜分絺衣挂蘿薜涼月白紛紛

十

幽意忽不愜歸期無奈何出門流水佳回首白雲多
自笑燈前舞誰憐醉後歌祇應與朋好風雨亦來過

重過何氏山林五首

唐杜甫

問訊東橋竹將軍有報書倒衣還命駕高枕乃吾廬
花妥鶯捎蝶溪喧獺趁魚重來休沐地真作野人居

二

山雨樽仍在沙沈榻未移犬迎曾宿客鷗護落巢兒

雲薄翠微寺天清皇子陂向來幽興極步履過東籬

三

落日平臺上春風啜茗時石欄斜點筆桐葉坐題詩
翡翠鳴衣桁蜻蜓立釣絲自今幽興熟來往亦無期

四

頗怪朝參懶應耽野趣長雨拋金鎖甲苔臥綠沈槍
手自移蒲柳家纔足稻梁看君用幽意白日到羲皇

五

到此應賞宿相留可判年蹉跎暮客色悵望好林泉
何日霑微祿歸山買薄田斯遊恐不遂把酒意茫然

詩雋類函

卷十六

二十五

類書類地理
文獻集成

搆妓登梁王棲霞山孟氏桃園中

唐李白

碧艸已滿地柳與梅爭春謝公自有東山妓金屏笑
坐如花人今日非昨日明日還復來白髮對綠酒強
歌心已摧君不見梁王池上月昔照梁王樽酒中
王已去明月在黃鸝愁醉啼春風分明感
莫惜醉臥桃園東

春園宴

唐張翥

南園春色正相宜大婦同行小婦隨竹裏春人下
見花間覓路鳥先知櫻桃解結垂簾幕楊柳花飛入

戶枝山簡醉來歌一曲參差笑殺郢中兒

晦日處士叔園林燕集

唐韋應物

遽看葉盡坐闕芳年賞賴此林下期清風徐煩想
始萌動新煦佳禽發幽響巖嶺對高齋春流瀟灑壤
樽酒遺形迹道言屢開獎幸蒙終夕歡聊用稅歸轡
春日同諸公過兵部王尚書林園

唐韋應物

休沐君相近時容曳履過花間留客久臺上見春多
松色明金文管聲雜玉珂更逢新酒熟相與醉芳歌

秋日過徐氏園林

唐包佶

詩雋類函

卷十六

二十六

中國歷史地理
文獻輯刊

廻塘分越水古樹積吳煙掃竹催鋪席垂蘿待紫船
鳥窺新罽栗龜上平欵蓮屨入忘歸地長嗟俗事牽

過張老園林

唐于鵠

身老無修飾頭巾用白紗開門朝掃徑燈水夜澆花
藥氣聞深巷桐陰到數家不愁還酒債腰下有丹砂

晚自朝臺至韋隱居郊園

唐許渾

秋來鳬鴈下方塘繫馬朝臺步夕陽村徑繞山松葉
暗野門臨水稻花香雲連海氣琴書潤風帶潮聲枕
簟涼西下磻溪猶萬里可能垂白待文王

從天平節度使遊平流園

唐曹鄴